



Привремена заједничка комисија оба дома
Парламентарне скупштине БиХ за спровођење
процедуре за именовање замјеника генералног
ревизора Канцеларије за ревизију институција
Босне и Херцеговине

Privremena zajednička komisija oba doma
Parlamentarne skupštine BiH za provođenje
procedure za imenovanje zamjenika
generalnog revizora Ureda za reviziju
institucija Bosne i Hercegovine

Privremeno zajedničko povjerenstvo obaju
domova Parlamentarne skupštine BiH za
provođenje procedure imenovanja zamjenika
glavnog revizora Ureda za reviziju institucija
Bosne i Hercegovine

Broj: 01,02-50-14-1634-2,5/15

Sarajevo: 11.1.2016. godine

Na osnovu člana 24. stav (2) Zakona o reviziji institucija Bosne i Hercegovine ("Službeni glasnik BiH", br. 12/06), člana 8. Poslovnika o radu Privremene zajedničke komisije obaju domova Parlamentarne skupštine BiH za provođenje procedure imenovanja zamjenika generalnog revizora Ureda za reviziju institucija BiH i Odluke o raspisivanju Javnog konkursa za izbor zamjenika generalnog revizora, broj: 01,02-50-14-1634-2,4/15 od 11.1.2016. godine, Privremena zajednička komisija objavljuje

JAVNI KONKURS

ZA PROVOĐENJE PROCEDURE ZA IMENOVANJE ZAMJENIKA GENERALNOG REVIZORA UREDA ZA REVIZIJU INSTITUCIJA BOSNE I HERCEGOVINE

1/01 Zamjenik generalnog revizora

Zamjenik generalnog revizora pomaže u obavljanju dužnosti Ureda za reviziju i može, prema uputstvima generalnog revizora, izvršavati sve funkcije, obaveze i ovlaštenja generalnog revizora.

Broj izvršilaca: jedan (1) izvršilac.

Zamjenici generalnog revizora dužni su primjenjivati ovlaštenja i obavljati dužnosti Ureda za reviziju institucija Bosne i Hercegovine nezavisno i u skladu s revizijskim standardima INTOSAI-a.

1. Mandat i imenovanje

Zamjenici generalnog revizora imenuju se na mandat od sedam godina, bez mogućnosti ponovnog imenovanja.

Zamjenici generalnog revizora imenuju se iz reda druga dva konstitutiva naroda iz kojih nije imenovan generalni revizor.

Zamjenike generalnog revizora imenuje Parlamentarna skupština BiH, na prijedlog Privremene zajedničke komisije obaju domova za izbor zamjenika generalnog revizora. Prijedlog se zasniva na rang-listi kandidata.

2. Opći i posebni uvjeti

Kandidati koji konkurišu za mjesto zamjenika generalnog revizora moraju ispunjavati opće i posebne uvjete utvrđene Zakonom o reviziji institucija BiH i drugim pozitivnim propisima, i to:

Opći uvjeti

- 1) da je stariji od 18 godina;
- 2) da je državljanin Bosne i Hercegovine;
- 3) da ima odgovarajuće obrazovne i stručne kvalifikacije utvrđene Zakonom o reviziji institucija BiH;
- 4) da je zdravstveno sposoban;
- 5) da nije otpušten iz državne službe u institucijama Bosne i Hercegovine odnosno entiteta kao rezultat disciplinske mjere u periodu od tri godine prije dana objavljivanja upražnjenog mjesta u „Službenom glasniku BiH“;
- 6) da se protiv njega ne vodi krivični postupak;
- 7) da nije pravosnažno osuđen na kaznu zatvora za krivična djela, s izuzetkom krivičnih djela protiv sigurnosti u saobraćaju, u skladu s krivičnim zakonom;
- 8) da se na njega ne odnosi član IX.1. Ustava Bosne i Hercegovine.

Posebni uvjeti

- 1) da ima diplomu ekonomskog ili pravnog fakulteta ili drugu adekvatnu visoku stručnu spremu koja programom odgovara traženom iskustvu u oblasti računovodstva, revizije, javnih finansija ili javne administracije najmanje 10 godina;
- 2) da nije osuđivan za krivična djela i/ili privredne prijestupe ili djela koja ne odgovaraju njihovim dužnostima;

Zamjenici generalnog revizora podliježu Zakonu o sukobu interesa u institucijama vlasti BiH.

Potrebni dokumenti

Kandidat je dužan priložiti sljedeće dokumente:

- 1) uredno popunjen, potpisan i ovjeren prijavni obrazac (prijavni obrazac bit će dostupan na internet stranici Parlamentarne skupštine BiH: www.parlament.ba-Sekretarijat/Oglasi/konkursi/interno);
- 2) biografiju (CV);
- 3) ovjerenu kopiju tražene fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 6.4.1992. godine u nekoj od država nastalih na području bivše SFRJ);
- 4) uvjerenje o državljanstvu Bosne i Hercegovine, ne starije od šest mjeseci;
- 5) dokaz o traženom radnom iskustvu u struci (potvrda, uvjerenje), izdat od mjerodavne institucije odnosno poslodavca;
- 6) dokaz da protiv njega nije pokrenut krivični postupak, izdat od nadležnog suda (ne stariji od tri mjeseca);
- 7) ljekarsko uvjerenje, ne starije od 30 dana.

3. Napomena za sve kandidate

Privremena zajednička komisija će, po potrebi, po službenoj dužnosti zatražiti dokaz da kandidat nije osuđivan za krivična djela i/ili privredne prijestupe ili djela koja ne odgovaraju njihovim dužnostima, odnosno da nije pravosnažno osuđivan na kaznu zatvora s izuzetkom krivičnih djela protiv sigurnosti u saobraćaju, a za šta je kandidat u prijavnim obrascu dao izjavu ovjerenu kod nadležnog tijela.

Pod radnim iskustvom podrazumijeva se isključivo radno iskustvo nakon sticanja visoke školske spreme.

Dokaz o ispunjavanju uvjeta pod tačkom 7) dužan je dostaviti samo kandidat koji bude imenovan na dužnost zamjenika generalnog revizora, a najkasnije do preuzimanja dužnosti odnosno stupanja u radni odnos.

Traženi dokumenti moraju biti originali ili ovjerene kopije, a izjave koje su taksativno pobrojane u prijavnim obrascu ovjerene kod nadležnog tijela.

Predati dokumenti ne podliježu vraćanju.

Nijedna prijava ne može se izuzeti iz razmatranja isključivo po osnovi kandidatovog spola, rase, boje kože, jezika, vjere, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugoga statusa.

Nakon provedenog javnog konkursa, kandidati koji budu ispunjavali uvjete javnog konkursa bit će pozvani na intervju.

Cilj intervjua je utvrditi stručnost i kandidatovu osposobljenost za obavljanje traženih zadataka, te krajnju i ukupnu ocjenu kandidata.

Kandidat je obavezan otkriti bilo koju činjenicu koja bi mogla dovesti do sukoba interesa u slučaju njegovog imenovanja.

4. Način i rok podnošenja prijave

Javni konkurs objavljuje se u "Službenom glasniku BiH" i na internet stranici Parlamentarne skupštine BiH: www.parlament.ba., a u dnevnim listovima „Večernji list“, „Oslobođenje“ i „Euro Blic“ bit će objavljeno obavještenje o Javnom konkursu.

Prijavu na Javni konkurs s traženom dokumentacijom treba dostaviti najkasnije 15 dana od dana objavljivanja u "Službenom glasniku BiH", od kada će se računati i rokovi.

Prijava s dokumentacijom dostavlja se poštom, preporučeno, na adresu:

Ured za reviziju institucija BiH

**za Privremenu zajedničku komisiju
obaju domova Parlamentarne skupštine Bosne i Hercegovine
za provođenje procedure imenovanja zamjenika generalnog revizora
Ureda za reviziju institucija BiH**

**„JAVNI KONKURS
ZA IMENOVANJE ZAMJENIKA GENERALNOG REVIZORA
UREDA ZA REVIZIJU INSTITUCIJA BIH - NE OTVARATI“**

71 000 Sarajevo, Hamdije Čemerlića 2/XIII

Napomena: Neblagovremene prijave neće biti razmatrane, a nepotpune i neuredne prijave bit će odbačene.